

# Powšitkowne WOZJEWJENJA

njedźelu, 12. septembra 2010

## Hudźbny nyšpor w Chróścicach

Komorny chór Byzantion z Prahi wuhotuje tutu njedźelu, 12. septembra, w 14 hodź. hudźbny nyšpor w Chróšćanskej cyrkwi. Chór předstaja grjeksko-byzantsku a słowjansku hudźbu wuchodnjeje Europy. Tež načasne słowjanske twórby chór spěwa.

## Patronatna Boža mša

Na swjedženju swjateje Ludmile štwórtk, 16. septembra, budže w 10 hodź. patronatna Boža mša w Chróšćanskej cyrkwi. Swjedženske předowanje změje farar dr. Rudolf Kilank z Budyšina. Wěriwi ze wšitkich wosadow su wutrobnje přeprošeni.

## Studnjowy dzeń we Wysokich Dubach

We Wysokich Dubach w Drježdźanach wotměje so sobotu, 18. septembra, zaso tak mjenowany Studnjowy dzeń (Brunnentag). Na tutym dnju je kóždy witany, kotryž by chcył trochu wotpočnyć a zdobom nowe duchowne impulsy dóstać. Studnjowy dzeń započnje so w 10 hodź. a traje hač do 17 hodź. Přizjewjenje njeje trěbne. Kóždy přinje se něšto k jědźi a piću sobu a je tak njewotwisny. Nawod změje pater Petrus Köst, kotryž je loni ze skupinu Serbow eksercicije wotměł.

## Pokutny nyšpor dla wonječesćenych křižow

Po mnohich wonječesćenjach swjatych křižow budže wosebity pokutny nyšpor njedźelu, 19. septembra, w 14 hodź. w Chróścicach. Na nyšporje poswjeći so po wonječesćenju ponowjeny modlerski stołp w Prawočicach. To je njedźela po swjedženju Powyšjenja swjateho křiža, kotryž swjeći cyrkej 14. septembra.

## Šěrachowski cyrkwinski chór w Jablonné v Podještědźi

Božu mšu w bazilice swjateho Ławrijenca w Jablonné v Podještědźi wuhotuje přichodnu njedźelu, 19. septembra, Šěrachowski cyrkwinski chór. Kemše započnu so w 9.30 hodź.

## „Po kemšach sedžachu ... spěwajo při Emmausu“

Dekanatne dušepastyrstwo přeprošuje na młodzinske kemše pjatk, 24. septembra, w 19.30 hodź. do cyrkwy w klóštrje Marijinej Hwězdze w Pančicach-Kukowje. Tomu přizamknje so zabawny wječor na Kukowskim hrodzišću pod hesłom „Při woheńčku sedžachu tam po kemšach spěwajo a so wjeselo při Emmausu“.

## Kubłanski dzeń za 1. a 2. lětnik

Džěci 1. a 2. lětnika su sobotu, 25. septembra, wot 9 do 15 hodź. na kubłanski dzeń do Don Boskowneho domu we Worklecach přeprošene. Zajimcy njech so prošu hač do wuty, 21. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosci třoch eurow.

## Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa wěriwych ze serbskich wosadow na wosebity nyšpor domchowanki. Tutón budže njedźelu, 26. septembra, w 14 hodź. w Chróšćicach na łuce za starownju. Nyšpor wobrubja wosadni dujerjo a chór Meja. Na nim požohnuja so konjace zapřahi.

## **Jězba za 5. a 6. lětnik w nazymskich prózdninach**

Dekanatne dušepastyrstwo přeprašuje džěci 5. a 6. lětnika wot póndžele do srjedy, 4. do 6. oktobra, na zhromadnu jězbu po slědach swjateho Bena do Zehrena blisko Mišna. Přinošk na wobdžělnika wučinja 35,00 eurow. Zajimcy njech so prošu hač do pjatka, 24. septembra, we Worklecach pod telefonowym čisłom (03 57 96) 8 87 07 přizjewja.

## **Putniska jězba do Krakowa**

W nazymskich prózdninach wotměje so wot soboty do pjatka, 9. do 15. oktobra, putniska jězba do Krakowa. Njedželu, 10. oktobra, wopytaja putnicy klóšter w Krakowje- Łagiewnikach, hdžež je swjata Faustina žiwa była. W přichodnych dnjach wobhladaja sej město Krakow a hród Wawel, wopytaja bywše koncentraciske lěhwo Auschwitz, ródne město Jana Pawoła II. Wadowice, selowe podkopki Wieliczka a Bachledówku ze swojej krasnej drjewjanej cyrkwju w Tatrach. Nimo toho pozastanu w Legnickim Polu a w Opolu. Zajimcy njech so prošu hač do srjedy, 22. septembra, pola Terezije Kubašec w Radworju přizjewja, telefonowe čisło (03 59 35) 2 04 25.

## **Serbskorěčne eksercicije**

Eksercicije w serbskej rěči z patrom Petrusom Köstom pod temu „Wjeselće so a njedwělujće na našim Knjezu“ (Maria Ward) budu wot štwórtka do njedžele, 18. do 21. nowembra we Wysokich Dubach. Přebytk a duchowny přewod płaci dohromady 132 eurow. Přizjewjenje je móžne w domje za eksercicije, Drježdžanska 73, 01326 Drježdžany, telefonowe čisło (03 51) 2 61 64 10.

## **Pomocny transport lětsa nazymu do Černobyla**

Kamjenske towarstwo Černobylskich džěci prosy po dorěčenju ze swojim běloruskim partnerskim towarstwom zaso wo pomocne pakćiki za potrěbnych. Štóž chce so na pomocnej akciji nazymu wobdžělić, dyrbi hač do kónca septembra přizjewjenski formular wupjelnić. Tutón kaž tež dalše pokiwy dóstanu zajimcy w zarjedže Černobylskeho towarstwa w Kamjencu na Fichtowej dróze 17, telefonowe čisło (0 35 78) 31 11 45.

Pomocne pakćiki maja so konkretnym wosobam abo swójbam přepodać. Wšitcy, kotřiž su hižo džěci z wokolicy Budy Košelowa hospodowali, móža pakćiki tež za „swoje džěci“ přihotować. Štóž chce pomhać a hišće žanu konkretnu adresu nima, ju pola Kamjenskeho Černobylskeho towarstwa dóstanje. Při tym smě sam rozsudzić, komu maja so dary přepodać: swójbje, kotraž pod reaktornej katastrofu čerpi, chronisce choremu džěšču, socialnje słabej swójbje, samodruhej žonje, stare j potrěbnej žonje abo staremu potrěbnemu mužej.